

Մ. Արզումանյան

ՍՏԵՓԱՆ ՇԱՀՈՒՄՅԱՆԸ ԵՎ Յ-ՐԴ ՊԵՏԱԿԱՆ ԴՈՒՍԱՅԻ ԸՆՏՐԱԿԱՆ ԿԱՄՊԱՆԻԱՆ

Ստորիպիսյան ռեակցիայի ժամանակաշրջանը հանդիսացավ ռևոլյուցիոն գործունեության ծավալման ամենադժվար ժամանակաշրջանը։ Ամբողջ երկիրը պատած էր կախաղաններով՝ «ստորիպիսյան փողկապներով», ամենուրեք վխտում էին պատժիչ զորախմբերն ու ոստիկանական ջոկատները և մահ սրբա-
ռում շորս կողմը, բանտերը լցվել էին ռևոլյուցիոներներով, որոնք ենթարկվում էին զազանային խոշտանգումների։ Աննկուն բոլշևիկները էտապով քըշ-
վում էին դեպի դաժան աքսորավայրեր։ Փակվել էին բանվորական, դեմոկրա-
տական կազմակերպություններն ու մամուլը։ Ցարական սև ռեակցիան՝ ստո-
րիպիսյանությունը, — դա անխնա պատերազմ էր ժողովրդական մասսաների
դեմ։ «Ամայացման զազրեկություն» — այսպես են բնորոշել Վ. Ի. Հենինը ու
Ի. Վ. Ստալինը ռեակցիայի ժամանակաշրջանը։

Ստորիպիսյան ռեակցիան նոր ուժով մերկացրեց բուրժուական պարտիա-
նների կոնտրոլյուցիոն կերպարանքը։ Կադետները մեծագույն գոհունակու-
թյամբ ողջունեցին ցարական կառավարությանը, որը սվիններով ու բանտե-
րով «խաղաղություն» էր հաստատում երկրում։ Ուժեղացավ քայքայումը մանր
բուրժուական պարտիաների մեջ։ Խուճապահար նահանջեցին մենշևիկները,
բուրժուազիայի այդ գործակալները բանվորական շարժման մեջ։

Միայն բոլշևիկներն էին, որ հավատարիմ մնացին պրոլետարիատի ու
աշխատավոր մասսաների ազատագրման մեծ գործին և շարունակեցին իրենց
անխոնջ ռևոլյուցիոն գործունեությունը նաև ստորիպիսյան ռեակցիայի տարի-
ներին։ Պատահական չէ, որ նրանք վաստակեցին «կարծրաքարեր» հռչակվոր
անունը։ Բայց ակնհայտ է, որ բոլշևիկները նոր պայմաններում պետք է գոր-
հեին նոր տակախկալով։ Այդ տակախկան մշակեց պարտիայի առաջնորդ Վ. Ի.
Հենինը։ Նա ցույց տվեց, որ բոլշևիկները պետք է կատարեն կանոնավոր նա-
հանջ, պահպանեն իրենց ուժերը, ստեղծեն ամուր անլեզալ պարտիական կազ-
մակերպություններ, և անլեզալ ու լեզալ աշխատանքի զուգակցմամբ մասսա-
ներին նախապատրաստեն ռևոլյուցիոն նոր գոտեմարտերի։

Բոլշևիկները Հենինի գլխավորությամբ պայքարելով պարտիական անլե-
զալ կազմակերպությունների պահպանման ու ամրապնդման համար, միա-
ժամանակ օգտագործում էին բոլոր լեզալ հնարավորությունները և օրեց-օր
ուժեղացնում իրենց աշխատանքը մասսաների մեջ։ Այստեղից էլ բոլշևիկների
անհաշտ պայքարը երկու ճակատով. մի կողմից՝ լիկվիդատորների դեմ, որոնք
պահանջում էին լիկվիդացնել պարտիական անլեզալ կազմակերպությունները,
իսկ մյուս կողմից՝ օտզովիստների դեմ, որոնք դեմ էին լեզալ հնարավորու-
թյունները օգտագործելու և հատկապես պահանջում էին հետ կանչել Պետա-
կան դոմայի բոլշևիկ դեպուտատներին։ Այդ երկու ուղղություններն էլ վերջին
հաշվով հետապնդում էին մի նպատակ — լիկվիդացնել ռևոլյուցիոն պարտիան

և զինաթափ անել բանվոր դասակարգին: Բոլշևիկները ռեակցիայի դաժան պայմաններում հմտորեն կիրառելով անլեզու ու լեզու աշխատանքի զուգակցման ճկուն տակտիկան, օգտագործեցին ամեն մի լեզու միջոց և եռանդուն գործունեություն ծավալեցին մասսաների մեջ, նրանց դաստիարակելով ռևոլյուցիայի ոգով:

Լեզու հնարավորությունների օգտագործման ձևերից մեկը Պետական դումայի ընտրական կամպանիան էր և ապա դումայի տրիբունան, որպես գործիք ցարիզմի ներքին ու արտաքին քաղաքականությունը մերկացնելու, ռևոլյուցիոն ազդեցության ծավալելու համար:

Բոլշևիկները առաջնորդվելով ռևոլյուցիայի անկման ժամանակ Պետական դումայի տրիբունան օգտագործելու տակտիկայով, մասնակցեցին 2-րդ, 3-րդ և 4-րդ Պետական դումաներին, հանդես եկան ինքնուրույն պլատֆորմներով և ցուցաբերեցին բուրժուական պառլամենտարիզմի օգտագործման հիանալի օրինակ:

* * *

Ստոլիպինյան սև ռեակցիայի ժամանակավոր հաղթանակը ռևոլյուցիայի նկատմամբ իր սլաշտոնական ձեակերպումն ստացավ 1907 թվականի հունիս-երեքյան պետական հեղաշրջման մեջ: Ցարական կառավարությունը ցրեց 2-րդ Պետական դուման և խախտելով 1905 թ. հոկտեմբերի 17-ի իր սեփական մանիֆեստը, նոր օրենք հրատարակեց 3-րդ Պետական դումայի ընտրությունների մասին: 2-րդ Պետական դումայի սոցիալ-դեմոկրատական ֆրակցիան դասի տրվեց ու արտոքվեց Սիբիր:

Նոր ընտրական օրենքը նպատակ ուներ ամրապնդել կալվածատերերի ու առևտրա-արդյունաբերական բուրժուազիայի դիրքերը: Ցարիզմը մասսաների դեմ մղվող պայքարում է՛լ ավելի սերտ բլոկի մեջ մտավ կոնտրռևոլյուցիոն բուրժուազիայի հետ: Ահա թե ինչու, հունիսի 3-ի օրենքը կալվածատերերի ընտրողների թիվն ավելացնում էր 5 անգամ, բուրժուազիայինը՝ 7 անգամ, իսկ բանվորների ու գյուղացիների ընտրողների թիվը, ընդհակառակը, կրճատվում էր ավելի քան 2 անգամ:

Է՛լ ավելի վատթարացավ ազգային ծայրամասերի վիճակը, որոնք կամ բոլորովին զրկվեցին դեպուտատներ տալու իրավունքից և կամ խիստ կրճատվեց նրանց թիվը: Մեծապետական շովինիզմի այդ քաղաքականությունը Լեհաստանը 35 դեպուտատի փոխարեն կարող էր ուղարկել միայն 12 դեպուտատ (որոնցից 2-ը անպայման ուսուցիչ), Կովկասը 29-ի փոխարեն 10-ը (որոնցից 1-ը անպայման ուսուցիչ), Միջին Ասիան բոլորովին զրկվում էր ընտրական իրավունքից: Ընդհանուր առմամբ, եթե եվրոպական Ռուսաստանը դումայում ուներ 403 դեպուտատական տեղ, ապա «ծայրամասերն» միայն 39 տեղ:

Չնայած հունիսեքսյան ընտրական օրենքի հակադեմոկրատական բնույթին, որին միանում էր ցարական իշխանությունների տեռորի ու վայրի կառնադականության քաղաքականությունը, այնուամենայնիվ բոլշևիկները որոշեցին մասնակցել 3-րդ Պետական դումայի ընտրություններին ու ծավալել եռանդուն ռևոլյուցիոն աշխատանք:

Բոլշևիկների նախընտրական կամպանիան ղեկավարում էր Լենինը: 1907 թ. հուլիսի 21—23-ը Կոտկայում (Ֆինլանդիա) տեղի ունեցավ ՌՍԴԲԴ

3-րդ կոնֆերենցիան. որը քննարկեց տակտիկական հարցեր՝ կապված 2-րդ Պետդումայի ցրման և 3-րդ Պետդումայի գումարման հետ: Կոնֆերենցիան ձայների մեծամասնությամբ ընդունեց լենինի առաջադրած բանաձևը՝ 3-րդ Պետական դումայի ընտրություններին մասնակցելու մասին: Այնտեղ մատնանշվում է, որ պետք է պայքարել ինչպես ցարական ինքնակալության, այնպես էլ կադետների դեմ, որոնք թաքնվում են դեմոկրատական ֆրազների տակ: Դումայական կամպանիան պետք է օգտագործել մասսաների ռևոլյուցիոն դաստիարակության համար:

Լենինյան դրույթները դարձան գործողության ծրագիր, ինչպես ողջ Ռուսաստանի, այնպես էլ Անդրկովկասի բոլշևիկների համար: Հայտնի է, որ ստորիպինյան դաժան ռեակցիան ընդգրկեց նաև Անդրկովկասը: Յարիվմ իր ռեակցիոն քաղաքականությունն Անդրկովկասում իրականացնում էր հենվելով հայկական բուրժուազիայի, վրացական ազնվականության և ադրբեջանական բեկերի վրա: Այդ ստոր գործում ցարիզմի վարձու ծառաներն էին բուրժուա-նացիոնալիստական պարտիաները՝ դաշնակցականները, վրացական մենշևիկները, ադրբեջանական պանիսլամիստները և այլն:

Չնայած ստորիպինյան ռեակցիայի դաժան պայմաններին, Անդրկովկասի բոլշևիկները ծավալեցին անխոնջ ռևոլյուցիոն գործունեություն և մասսաներին նախապատրաստեցին նոր մարտերի: Այդ ժամանակաշրջանում Անդրկովկասյան բոլշևիկյան կազմակերպությունների կենտրոնակետը Բաքուն էր, որտեղ գործում էին Ի. Վ. Ստալինը, Ստ. Շահումյանը, Ի. Օրջոնիկիձեն, Ս. Սպանդարյանը, Ա. Զափարիձեն, Մ. Ալիզբեկովը, Ի. Ֆիոլետովը և ուրիշներ: Բոլշևիկյան ամուր կազմակերպության ղեկավարությամբ Բաքվի պրոլետարիատը ռեակցիայի տարիներին հերոսական պայքար է մղում և հանդես գալիս համառուսաստանյան ռևոլյուցիոն շարժման առաջին շարքերում:

Օգտագործելով լեգալ հնարավորությունները Անդրկովկասի բոլշևիկները հսկայական աշխատանք կատարեցին 2-րդ Պետական դումայի ցրման և 3-րդ Պետական դումայի ընտրությունների կապակցությամբ: Բացահայտելով հունիսերեքյան հեղաշրջման կոնտրռևոլյուցիոն էությունը «Բակինսկիյ Պրոլետարի» թերթը, իր 1907 թ. № 1-ի առաջնորդողում գրում էր. «Պրոլետարիատի առաջ առաջին ևս մեծ պարզությամբ է ծառանում ցարական իշխանությունը տապալելու խնդիրը: Հապա մտածեք: Եղավ առաջին դուման: Եղավ նաև երկրորդը: Բայց ոչ մեկը և ոչ էլ մյուսը չուժեց ռևոլյուցիայի հարցերից ոչ մեկը — և չէր էլ կարող լուծել: Եվ դարձյալ գյուղացիները մնում են առանց հողի, բանվորները՝ առանց ութ ժամյա աշխատանքային օրվա, բոլոր քաղաքացիները՝ առանց քաղաքական ազատության»:

Երրորդ Պետական դումայի ընտրությունների բոլշևիկյան կամպանիան Բաքվում անմիջականորեն զլխավորում էր Ի. Վ. Ստալինը: Նա գրեց «Նականգ երրորդ Պետական դումայի սոցիալ-դեմոկրատական դեպուտատներին», որը 1907 թ. սեպտեմբերի 22-ին ընդունվում է Բաքվի բանվորական կուրիայի լիազորների ժողովում և հրատարակվում առանձին թերթիկով: Նականգը բացահայտում է բոլշևիկների պառլամենտական տակտիկայի էությունը: Այնտեղ ցույց է տրվում, որ դումայի սոցիալ-դեմոկրատական ֆրակցիան պետք է վարի հետևողական պրոլետարական գիծ և իր ամբողջ գործունեությունը համաձայնեցնի պարտիայի ընդհանուր քաղաքականության հետ, «ենթարկվի նրա ղեկավարությունն ու պարտիայի ԿԿ-ի դիրեկտիվներին»:

Բուլղերիկները ընտրական կամպանիայում մեծ հաղթանակ տարան մեն-շնչիկների դեմ և Բաքվի բանվորական կուրիայում երրորդ Պետական դումայի ընտրողները ընտրվեցին բուլղերիկներից:

Այդ լուրջ ու դժվար գործում ընկեր Ստալինի հետ միասին անդուլ աշխատանք ծավալեց Ստ. Շահումյանը: Նա, ԽՍՀՄ 5-րդ համագումարից հետո, աշխատելով Բաքվում, ոչ մի ջանք չի խնայում անլեգալ պարտիական կազմակերպության ամրապնդման համար մշվող պայքարում: Շահումյանը Բաքվի բուլղերիկյան կոմիտեի անդամ էր և պրոլետարական մասսաների տաղանդավոր կազմակերպիչ: Նա ղեկավար մասնակցություն էր ցույց տալիս «Բակինսկի Ռաբոչի», «Բակինսկի Պրոլետարի», «Գուգուկ» թերթերի հրատարակությանը: Շահումյանը միաժամանակ ժողովրդական տների վարիչ էր և հմտությամբ էր օգտագործում լեգալ հնարավորությունները:

Ստ. Շահումյանը 3-րդ Պետդումայի նախընտրական կամպանիայի ժամանակ եռանդուն աշխատանք ծավալեց հօգուտ բուլղերիկյան պլատֆորմի: Նա համարյա ամեն օր հանդես էր գալիս զեկուցումներով ու հոդվածներով, գրում մարտական թուղթիկներ, կազմակերպում գործադուլներ ու միտինգներ: Ամենուրեք Շահումյանը մերկացնում էր մենշնչիկներին, էսեններին, դաշնակցականներին, «սպեցիֆիկներին», «հնչակյաններին» և բանվորներին կոչ անում քվեարկել բուլղերիկյան թեկնածուների օգտին:

Բաքվի բուլղերիկյան կոմիտեն 1907 թ. աշիանը հաջողությամբ անցկացրեց 3-րդ Պետական դումայի ընտրական կամպանիան և սեպտեմբերի 22-ին բանվորների լիագործների ժողովում պատվիրակներ ընտրվեցին բուլղերիկ-բանվորներ: Նույնիսկ պաշտոնական մամուլը հարկադրված էր խոստովանել ու զայրույթով արձանագրել, որ ընտրված թեկնածուներն առաջադրված են «բուլղերիկների ֆրակցիայի կողմից»:

Բայց դրանով չվերջացավ ընտրական կամպանիան: Բանվոր պատվիրակները պետք է մեկնեին Գանձակ (այժմ Կիրովաբադ) և մասնակցեին պատվիրակների նահանգական ժողովին, ուր և պետք է առաջադրվեր դումայի դեպուտատը: Ստ. Շահումյանը ղեկավար մասնակցություն է ունենում ոչ միայն Բաքվի բանվորական կուրիայի ընտրական կամպանիային, այլև Անդրկովկասում ծավալված դումայական պայքարին: Մնացել են Ստեփան Շահումյանի հոդված-հիշողությունները, որը կոչվում է «Ինչպես պ-րն Հ. Սաղաթելյանը ինքն իրեն մի ձայնով ընտրեց երրորդ Պետական դումայի անդամ»: Այդ հիշողությունները պրված են 4-րդ Պետական դումայի ընտրությունների նախօրյակին, որտեղ Շահումյանը պատմում է, թե ինչպես ինքը 3-րդ Պետական դումայի պատվիրակ չի եղել, իսկ ակտիվ կերպով մասնակցել է ամբողջ ընտրական պայքարին ու ժողովներին¹: Միաժամանակ մնացել են բուլղերիկ Ա. Մուսվլյանի հիշողությունները «Ընկ. Շահումյանը Գանձակում» վերնագրով², որտեղ տրվում է բուլղերիկների ընտրական պայքարի նկարագրությունը և Ստ. Շահումյանի դերն այդ պայքարում: Հետաքրքիր են նաև նահանգական ժողովի մասնակից, նոր-Բայազետի պատվիրակ ուսուցիչ Ա. Մ. Աբրահամյանի հի-

¹ ՍՄԿՊ ԿԿ-ին կից Մարքսի-Էնգելսի-Լենինի-Ստալինի ինստիտուտի Հայկական ֆիլիալի արխիվ, ֆ. 7, դ. 101, թ. 1:

² Ցես «Խորհրդային Հայաստան», № 216, 1919, 1926:

շողովթյունները¹, որտեղ նա խոսում է իր առաջին հանդիպման մասին Ստ. Շահումյանի հետ:

Ինչպես արդեն մատնանշել ենք, հունիսերեքյան ընտրական օրենքով է՛լ ավելի կրճատվեցին ազգային շրջանների իրավունքները: Անդրկովկասում այդ ցայտուն կերպով արտահայտվեց նաև հայերի նկատմամբ: Այստեղ կազմվեց վեց ընտրական օկրուգ. Անդրկովկասի ռուս բնակչությանից՝ 1 հոգի, Թիֆլիսի նահանգից՝ 1 հոգի, Բուլթայիսի նահանգից՝ 1 հոգի, Կարսի, Բաթումի մարզերից և Սուխումի օկրուգից՝ 1 հոգի, Բաքվի, Նիզավնետապոլի և Երևանի նահանգներից՝ 2 հոգի, ընդ որում դրանցից մեկը պետք է անպայմանորեն ընտրվեր ազեր-բեջանական բնակչությանից, իսկ մյուսը՝ հայ և մնացած ազգերի բնակչու-թյունից: Այսպիսով, Հայաստանին առանձին ընտրական օկրուգ չէր տրվում և նա իր թեկնածուները պետք է առաջադրեր 3 նահանգների ընդհանուր օկրուգում՝ մնացած բնակչության (հրեա, վրացի և այլն) հետ միասին:

Ընդհանուր առմամբ Անդրկովկասից դեպուտատների թիվը կրճատվեց 14 մարդով՝ համեմատած 2-րդ Պետական դումայի հետ. ընդ որում, եթե Երևանի նահանգից 2-րդ դումայի համար ընտրվեցին 3 դեպուտատ (2-ը հայ, մեկը ադրբեջանցի), ապա այժմ 3-րդ դումայի համար առաջադրվեց 2 դեպուտատ, բայց երեք նահանգներից (Երևանի, Բաքվի, Նիզավնետապոլի) միասին վերցրած: Բնորոշ է նաև այն, որ հայ ընտրողները և Բաքվի բանվորները պետք է առաջադրեին մեկ դեպուտատ: Անդրկովկասի ժողովուրդների մեջ ազգային թշնամանք ու երկպառակություն բորբոքելու և դրա մեջ Բաքվի բանվորների հուժկու ձայնը խլացնելու համար ցարական կառավարությունը Բաքվի, Երևանի և Նիզավնետապոլի նահանգները միավորել էր մի ընտրական տեղա-մասի մեջ և կրճատել նրա իրավունքները:

Այսպիսով, հանգամանքների բերումով բոլշևիկների ընտրական կամպա-նիան, որ ծավալվել էր Բաքվում, պետք է շարունակվեր Գանձակում, ուր Բաք-վի բոլշևիկյան կոմիտեի կողմից գործուղվեցին Ստ. Շահումյանը ու Աս. Մուսվաթյանը:

Ընտրությունները բանվորների ու գյուղացիների համար բազմաստիճան էին: Երևանի, Գանձակի և Բաքվի նահանգների պատվիրակները պետք է 1907 թ. հոկտեմբերին հավաքվեին Գանձակում և նահանգապետի ցուցումնե-րով անցկացնեին ընտրությունների վերջին տուրը: Եկել էին ընդամենը 25 պատվիրակ:

25 պատվիրակներից 4-ը բոլշևիկ բանվորներ էին՝ (3-ը ռուս՝ Բոկով, Տրոնով, Մորզովցև, մեկը հայ՝ Արշակ Արկերյան, որոնց ընտրել էր Բաքվի իսթարդյունաբերական բանվորությունը), 1 հոգի ռուսից զարձյալ սոցիալ-դեմոկրատ (Նոր-Բայազետից), 9 հոգի՝ գյուղացիներ (մեծ մասամբ Երևանի նահանգից՝ էջմիածնի շրջանից, Ղարաբեյլիսայից և այլն), որոնք անպար-տիական էին, 9 հոգի՝ կադետներ (վաճառականներ, կալվածատերեր, գործա-րանատեր, փաստաբան և այլն, ինչպես նաև 1 եպիսկոպոս՝ էջմիածնից), 2 հոգի՝ դաշնակցականներ:

Մինչ այդ ծավալվել էր բուռն պայքար և պարտիաներից յուրաքանչյուրը ձգտում էր առաջադրել իր թեկնածուն: Հատկապես կաշվից դուրս էին գալիս հայ կադետները — «ռամկավարները», որոնք մթազնեցով մասսաների դասա-

¹ ՄԷԼՍԻ-ի չայկական ֆիլիալի արխիվ. ֆ. 7, Ա. Մ. Աբրահամյան, «Հանդիպում Ստ. Շահումյանի հետ»:

կարգային ինքնադիտակցությունը պահանջում էին առաջադրել ոչ թե «դասակարգային, նեղ կուսակցական», այլ «համադրային», «ընդհանուր ժողովրդական ներկայացուցիչներ»¹։ «Մշակ» թերթի առաջնորդողներից մեկում նրա խմբագիր Ա. Քալանթարը քծնելով գրում էր. «Մենք կցանկանայինք, որ հայ ընտրյալը լիներ պատկանող մեր առաջադիմակուն, ուսման արական համախմբումներին, որ նա կարողանար թե թեի տված գործել Ռուսաստանի ժողովրդական ազատության գործողների (կադետների — (ծանոթացրությունն իմն է — Մ. Ա.) հետ, որոնք ձգտում էին ամրացնել պառլամենտական կյանքը Ռուսաստանում և նրա միջոցով տալ Ռուսաստանին նոր օրենսդրություն և նոր քաղաքական կյանք»²։ Ակնհայտ է, որ հայ բուրժուա-ոսմականները դեմոկրատական ֆրազներով րստ էության իրենց լիակատար համերաշխությունն էին արտահայտում դեպի պառլամենտարիզմն ու ռուսական կադետները, որոնք հանդես էին գալիս որպես ցարիզմի պաշտպաններ և ժողովրդի ոխերիմ թշնամիներ։

Ավանտյուրիստ և ժողովրդասպան դաշնակցականները պաշտոնապես հայտարարեցին, որ բոլկոտում են դուման և նույնիսկ թուրքիկներ տարածեցին, որ քվեատուներին մոտեցողը ժողովրդի դավաճան է։ Բայց գա չսանգարեց, որ նրանք փաստորեն մասնակցեն ընտրություններին և իրենց պատվիրակներն ուղարկեն Գանձակ։

Պատվիրակների կազմի սոցիալական և քաղաքական խայտաբղետությունը վկայում էր, որ դեպուտատի ընտրության շուրջը պետք է ծավալվեր բուռն պայքար։ Ճիշտ է 5 սոցիալ-դեմոկրատների կողքին կային 9 գյուղացիներ, բայց վերջիններիս մեջ էին նաև կուլակներ, որոնք հակված էին դեպի կադետներն ու դաշնակցականները։ Դրանով էլ դժվարանում էր բոլշևիկ դեպուտատի ընտրությունը, քանի որ դեպուտատության համար հարկավոր էր հավաքել առնվազն 13 ձայն։ Ստ. Շահումյանն ընդգծում էր գյուղացիական պատվիրակների մեջ տարվող լուրջ աշխատանքի անհրաժեշտությունը, քանի որ նրանք պետք է «իրենց քվեներով վճռեն, թե ով է լինելու 3 նահանգների ընտրյալը»³։

Դեպուտատության թեկնածուի ընտրությունը նշանակված էր 1907 թ. հոկտեմբերի 14-ին, բայց պատվիրակները Գանձակ ժամանեցին ավելի շուտ։

Բաքվի բանվոր պատվիրակների հետ միասին 1907 թ. հոկտեմբերի 10-ին Գանձակ եկան անվեհեր բոլշևիկ Ստ. Շահումյանը, իսկ մի օր հետո՝ Աս. Մուսվաթյանը։ Այդ ժամանակ Ասքանազ Մուսվաթյանը ճանաչված բոլշևիկ էր։ Նա 1907—1908 թթ. աշխատելով Բաքվում ստացել էր պրոֆեսիոնալ ուսուցիչների կոմիվածք։ Ինքը՝ Մուսվաթյանը պրոլետարական Բաքուն համարել է իր «բոլշևիկյան հայրենիքը»⁴։ Գանձակում Ստ. Շահումյանը՝ Աս. Մուսվաթյանի հետ միասին սերտ կապ հաստատեց տեղական բոլշևիկների, ինչպես նաև գիմնազիայի ուսուցիչների աշակերտների հետ և նրանց էլ մասնակից դարձրեց ընտրական կամպանիային, հատկապես գյուղացիների մեջ տարվող աշխատանքին։

Ստ. Շահումյանը պատմում է, որ ինքը «հատկապես եկել էր բանվոր պատվիրակների հետ նրանց համար թարգման և առհասարակ օգնական լի-

¹ Տես «Մշակ» № 121, 1907, 3 հոկտեմբերի։

² Տես «Մշակ» № 129, 1907, 12 հոկտեմբերի։

³ ՄԷԼՍԻ-ի Հայկական ֆիլիալի արխիվ, ֆ. 7, գ. 101, թ. 3։

⁴ ՄԷԼՍԻ-ի Հայկական ֆիլիալի արխիվ, ֆ. 10, գ. 390, թ. 14։

նելու անծանոթ միջավայրում»¹։ Բայց պարզ է, որ Շահումյանի աշխատանքը դուրս է գալիս «թարգմանչի» շրջանակներից. նա ոչ միայն մոբիլիզացրեց տեղական բոլշևիկներին, այլև նախապատրաստեց բանվոր պատվիրակների ճառերը և օգնեց նրանց պայքարելու ընդդեմ բուրժուական ու մանր բուրժուական հոսանքների։ Կադետները և դաշնակցականները Շահումյանի ներկայությունից սարսափ էին զգում և աշխատում էին «ազատվել» նրանից։ Պատվիրակների ժողովի նախագահ՝ կադետ Մ. Պապաջանյանը փորձում էր համոզել, որ ինքը թարգմանչի դեր կկատարի, բայց բանվորները նրան վճռականորեն պատասխանում են. «...գուր օրգանապես անընդունակ կլինեք հասկանալու մեր ճառերը, որպեսզի մեր ուղածի պես թարգմանեք նրանց դուղացիների համար, և ոչ էլ գյուղացիների ճառերը թարգմանեք մեզ համար»²։

Կադետները և դաշնակցականները հարկադրված դիջում են։ Նրանք ահաբեկված պահանջում են, որ Շահումյանը բացի թարգմանությունից ոչ մի ավելորդ խոսք չսփռի։ Այդ մասին Շահումյանն ինքը հետևյալն է պատմում. «Հետաքրքիր տեսարան էր, երբ որոշումից հետո ինձ կանչեցին ժողովի։ «Պ. - րն՝ — դիմեց ինձ նախագահը, — բանվոր պատգամավորները վերավորեցին մեզ, չհավատալով մեզ երբև թարգմանի և ցանկացան, որ դուք լինեք նրանց թարգմանը։ Մենք զիջեցինք պատգամավորներին և հրավիրեցինք ձեզ, բայց ի նկատի ունեցեք, որ դուք հրավիրվում եք իբրև թարգման, ոչ մի խոսք ձեռ կողմից, լսում եք, ոչ մի խոսք ավելորդ։ Նա ուզում էի պատասխանել, որ ընդունում եմ այդ պայմանը և գուցե ավելացնել մի երկու խոսքով, որ նրանք իզուր են վերավորանք համարում իրենց համար բանվորների պահանջը։ Բայց հազիվ փորձեցի շրթունքս շարժել, պ. Պապաջանյանը սարսափած սկսեց աղաղակել ոչ մի խոսք, ոչ մի խոսք, միայն իբրև թարգման, ոչ մի խոսք... միևնույն ողորմելի սարսափը արտահայտում էին բոլոր «կադետների» դեմքերը»։

Դնալով միջնորդուն ավելի շիկանում է։ Կադետներն ու դաշնակցականները ամենուրեք գյուղացի պատվիրակներ են որսում, հարբեցնում ու կաշառում նրանց։ Նրանք սարսափում են բոլշևիկների ազդեցությունից և ամեն կերպ ձգտում են խուսափել հարցերի կոլեկտիվ քննարկումից։ Բայց բանվոր պատվիրակների ճնշման տակ կադետներն ու դաշնակցները հարկադրված են լինում 1907 թ. հոկտեմբերի 13-ի երեկոյան հրավիրել բոլոր պատվիրակների ընդհանուր խորհրդակցություն։ Այդտեղ սկսում են հանդես գալ պայքարող պարտիաների ճառախոսները, որոնք պետք է շարադրեին իրենց պատճառները։

Դաշնակցականների անունից սպառնալից տոնով հանդես է գալիս նրանց ներկայացուցիչ Ս. Զավարյանը։ Բայց, ինչպես մատնանշում է Ստ. Շահումյանը, նրա ճառը «վերին աստիճանի անգույն ու միևնույն ժամանակ տարօրինակ ու զարմանալի էր»։ Ս. Զավարյանը մի կողմ թողած իր պարտիայի ծրագրային հարցերի արծարծումը, փորձում է նկարագրել հայերի ծանր վիճակը, նրանց հակադրելով ռուս աշխատավորությանը և սերմանելով ազգային թշնամություն։

Նույնքան «անգույն», «ձանձրալի, միապաղաղ», «խեղճ ու ողորմելի էր» կադետների ներկայացուցչի, գործարանատեր Մ. Ալիբեկյանի ճառը, որը բռնված «դեպուտատ» դառնալու մանիայով, խնդրում էր ձայն տալ իրենի «Մշակական» Հ. Առաքելյանը առաջ քաշեց իր թեկնածությունը և շատագուց

¹ ՄԷԼՍԻ-ի Հայկական ֆիլիալի արխիվ. ֆ. 7, գ. 101, թ. 6։

² Նույն տեղում, ֆ. 7, գ. 101, թ. 7։

ցարական կարգերը. «Մենք կողմնակից ենք երկրի կառավարմանը ցարի կողմից՝ Պետական դամայի հետ միասին» — ասում է նա: Նրա այդ հայտարարությունն առաջ է բերում բանվոր ու գյուղացի պատվիրակների խոր զայրույթն ու սուր իրոնիան:

«Բայց, — ասում է Ստ. Շահումյանը, — որքան անգույն ու մեռած էին դաշնակցական ու կադետների ճառերը (ներանք խոսում էին ակամայից), այնքան վառվռուն, խելացի ու զգացված խոսեց բանվորների ներկայացուցիչը»: Բանվորների անունից հանդես եկավ Ի. Վ. Բոկովը¹, որի ճառը կազմել ու նախապատրաստել էր Ստ. Շահումյանը:

Բոկովը ամենից առաջ դիմակալեց՝ է անում դաշնակցական Զավարյանի «անպատվաբեր դիպլոմատիան», ցույց տալով, թե ինչպես դաշնակցականներն իրենց կեղծավորաբար անվանում են ռևոլյուցիոն ու սոցիալիստ, նույնիսկ չեն խորշում իրենց ծրագրում ռևոլյուցիոն պահանջներ հռչակելուց, բայց փաստորեն հանդիսանում են ժողովրդի թշնամիներ: Բանվոր պատվիրակը մերկացնում է Զավարյանի նացիոնալիստական դիրքորոշումը և ցույց է տալիս, որ ցարիզմի պայմաններում բոլոր ազգերի աշխատավորները ենթարկվում են անլուր շահագործման. «Ռուս գյուղացին նույնքան խորթ զավակ է ռուս կառավարության համար, ինչքան և հալ, վրացի, թյուրք և այլ գյուղացիներ»²: Նամանրամասնորեն պատմեց, թե ինչպես Ռուսաստանում 20 միլիոն գյուղացիներ հողազուրկ են, իսկ 60 միլիոն գյուղացիներ էլ չնչին հողակտորով ապրում են «ամենաթշվառ», «կիսաքաղց կյանքով»: Հետևաբար, «հայ գյուղացին թրշվառ է, աղքատ է, տգետ է ոչ թե այն պատճառով, որ նա հայ է, այլ որովհետև ենթարկված է նույն սոցիալական պայմաններին և խեղդված է նույն ռեժիմի ճիրաններում, ինչ որ ռուս, վրացի, լեհացի և այլ գյուղացիներ»: Բոկովը միաժամանակ մերկացնում է ցարիզմի ազգատյաց բաղաբականությունը: Նա անցկացնելով սյուլետարական ինտերնացիոնալիզմի հստակ գիծ, մատնանշում է, որ «հարկավոր է խոսել ներկայումս ոչ թե առանձին ազգային շահերի, այլ ընդհանուր՝ ամբողջ Ռուսաստանի բանվոր և գյուղացի հալածված ժողովրդի շահերի մասին, ոչ թե ազգերի բաժանման ու ատելության, այլ համերաշխության և ընդհանուր կովի մասին»: Այդ է բոլոր ճնշված ժողովուրդների ազատագրման միակ փրկարար ուղին:

Բոկովը ոչնչացնող քննադատության է ենթարկում նաև կադետներին, որպես ցարիզմի կամակատարներ: Մերկացնելով նրանց «ժողովրդական ազատության պարտիա» կեղծ ցուցանակը, նա ցույց է տալիս, որ գյուղացիները երբեք հող ու ազատություն չեն ստանա բուրժուազիայից:

Մերկացնելով հայկական բուրժուազիայի պնակալեզներին, Բոկովը համարձակորեն ասում է. «պարոն կադետներն ու դաշնակները պաշտպանում են երկրի կառավարումը ցարի կողմից, այն ցարի, որը ժանդարմների ու տերտերների օգնությամբ ժողովրդին պահում են խավարի ու ստրկության մեջ, որը որպես վամպիր ծծում է ժողովրդի արյունը, թուլատրում է կալվածատերերին ու կապիտալիստներին անպատիժ կերպով թալանել աշխատավոր մարդկանց: Ինքը՝ ցարը աշխարհի խոշորագույն կալվածատեր է, — ինչպես նա չպաշտպանի «աղքատ մանր կալվածատերերին», որոնք տիրում են միայն հաղարավոր

¹ Իվան Վասիլևիչ Բոկով (1879 – 1932) — հին կոմունիստ, պարտիայի անդամ 1904 թվականից: Բանվոր-բուլեիկների փայլուն պլեադայից:

² ՄէլՍԻ-ի Հայկական ֆիլիալի արխիվ, ֆ. 7, դ. 101, թ. 17:

դեսյատին հողի (ծիծաղ), և մարդկային ցեղի այդ վիժվածքը, չբավարարվելով 18 միլիոն ռուբլի «ռոճիկով» արտասովորից խնդրում էր իր կառավարությունից ավելացնել այն (ծիծաղ)։ Կապիտալիստները մեր ոսկորների վրա իրենց համար պալատներ են կառուցում, իսկ երբ մենք՝ ծայրահեղության հասցված բանվորներ, պահանջում ենք ավելացնել աշխատավարձը, ցարը «մեզ օղնության է գալիս դնդակներ շինայելով»։ Այն ժամանակ, երբ մենք հնարավորություն չունենք թեկուզ շաբաթը մեկ անգամ երեխաներին մի բաժակ կաթ տալ, կապիտալիստները կաթի մեջ են լողացնում իրենց կանանց, որպեսզի նրանց մաշկը դառնա փափուկ ու նուրբ (ծիծաղ)։— Ի՞նչ է այստեղ արդարությունը։ Այնուհետև նա կանգ է առնում ցարիզմի դադարձային քաղաքականության, ազգամիջյան կոտորածների վրա և կոչ անում համատեղ պայքար մղել ատելի ինքնակալության դեմ։ Երբեք բանվորի խարազանող խոսքերը տիրող շահագործողական կարգերի, ռուսական արյունաբերու ցարի և նրա կատարածությունների նկատմամբ, մեծագույն գոհունակությամբ են ընդունվում հայ գյուղացիների կողմից։

Բոկովը պարզ ու հստակ, բայց միաժամանակ համարձակ կերպով խոսում է ռևոլյուցիոն սոցիալ-դեմոկրատիայի ծրագրի ու տակտիկայի մասին, Պետական դոմայի բանվորական դեպուտատի անելիքների ու պարտականությունների մասին։ Նա գյուղացիներին համոզում է, որ ժողովրդական մասսաների շահերի միակ պաշտպանը պրոլետարական պարտիան է, որն անհաշտ է դեպի սոցիալատիվորների թշնամիները։ Բոկովը անարգանքի սյունին գամվելով կադետներին ու դաշնակցականներին ասում է. «Դուք, պարոններ, Պետական դոմա եք գնում, որպեսզի ամրապնդեք ցարի երեքուն գահը, իսկ մենք գնում ենք այնտեղ նրա համար, որպեսզի վերջնականապես կործանենք մեզ համար ատելի այդ գահը, իսկ ձեր ցարին նետենք կեղտաջրի մեջ. բայց պարոններ, ես երկյուղ ունեմ, որ դուք էլ ձեր ցարի հետ կընկնեք այնտեղ»։ Այդ խոսքերը մահացու սարսուռ առաջացրին կադետների ու դաշնակցականների մեջ և Զավարյանը զայրույթով գոչեց. «Ահա թե ի՞նչ»։

Բոկովի ճառը, ինչպես մատնանշում է Ստ. Շահումյանը, «շմեցրեց կադետներին ու դաշնակցականներին և վերին աստիճանի ուժեղ տպավորություն թողեց գյուղացիների վրա»։ Վերջիններս չերմորեն ողջունում են Բոկովին ու մնացած բանվոր-հանդուրներին։ Գյուղացիներից 4 հոգի տեղն ու տեղը հայտարարում են, որ նրանք իրենց քվեները կտան բանվորական թեկնածուներին։ Այդ հաջողության կազմակերպիչը Ստ. Շահումյանն էր, որը ոչ միայն հախապատրաստել էր բանվոր Բոկովի ճառը, այլև թարգմանության ժամանակ հանդես էր գալիս լրացուցիչ դիտողություններով ու մեկնաբանություններով. «Ընկ. Բոկովը,— պատմում է Աս. Մուսվյանը,— բոլշևիկ ընտրողների կողմից ծրագրային մի ճառ է ասում, որը հայերեն թարգմանում է ընկ. Շահումյանը։ Այս միակ միջոցն էր բոլոր գյուղացի պատգամավորների հետ տեսնվելու և խոսելու համար։ Շահումյանը լի ու լի օգտագործում է առիթը և շատ ընդարձակ վիճաբանություններով ու հավելումներով թարգմանում ընկ. Բոկովի խոսքը։ Բոկով-Շահումյանի այս ճառում առանձնապես մերկացվում է կադետ-մշակականների հակառուլյուցիոն պատկերը և դաշնակցականների կասկածելի ռևոլյուցիոնականությունը։ Ստեփանի այս ելույթը շատ դուր է գալիս գյուղա-

¹ ՄԷԼՍԻ-ի Հայկական ֆիլիալի արխիվ, ֆ. 7, Ա. Մ. Աբրահամյանի հիշողությունները Ստ. Շահումյանի մասին։

դի ընտրողներին և նրանցից ոմանք ափսոսանք էին հայտնում, որ հնար չկա Շահումյանին զրկելու դումա... Ընկ. Շահումյանն իր մտքերը շարադրում էր բոլորովին հանդիստ, առանց որևէ հուզման: Նրա համոզեցուցիչ խոսքը և պողպատյա լոգիկան բոլորին հաքկադրում էր լսել կենտրոնացված: Նախա-հաճ Պապաջանովը կանգնեցնում էր նրան, դաշնակներ Ջավարյանը և Սա-չաթեյանը կատաղում էին, իսկ Շահումյանը ոնց որ ոչինչ չեղած. մի ակնթարթի կանգնում էր և նորից շարունակում խոսել իր անվրդով տոնով¹: Այդպես էին բանվոր պատվիրակները՝ բոցաշունչ բոլշևիկ Ստ. Շահումյանի զլխավորու-թյամբ մաքսիմալ չափով օգտագործում լեգալ հնարավորությունները և ապա-հովում իրենց հաղթանակը:

Բոլշևիկ պատվիրակները՝ Ստ. Շահումյանի ղեկավարությամբ որոշում են ղեկուտատություն թեկնածու առաջադրել Բաքվի պրոլետարիատի աննկուն գավակ, համադրված ռեյտուցիոներ, բոլշևիկ-բանվոր Արշակ Արկերյանին: Հին կոմունիստ և պարտիական գործիչ Ն. Կոլեսնիկովան պատմում է, որ ին-քը Արշակին հանդիպել է 1907 թ. ամռանը, երբ նա արդեն «լիովին ձևավորված բոլշևիկ էր և ուներ ռեյտուցիոն անցյալ»²: Արշակ Արկերյանը այն բանվորնե-րից էր, որոնք մինչև իրենց կյանքի վերջը հավատարիմ մնացին աշխատավոր մասսաների ազատագրման մեծ գործին:

Վերջապես մոտենում է վճռական մոմենտը. 1907 թ. հոկտեմբերի 14-ին, ժ. 3-ին նշանակված էին ընտրությունները: Պայքարող պարտիաներն արդեն նախապատրաստել էին իրենց թեկնածուները. 1) սոցիալ-դեմոկրատներից՝ բանվոր Արշակ Արկերյան, 2) կադետներից՝ Հ. Առաքելյան, 3) դաշնակցա-կաններից՝ Ս. Ջավարյան: Հանկարծ երևան է գալիս նաև 4-րդ տուրը, որը պատկանում էր դաշնակցական Հ. Սաղաթեյանին:

Համառ պայքարից հետո տեղի են ունենում ընտրությունները, որը սա-կայն ոչ-ոքի ձայների մեծամասնությու-ն չի տալիս: Բոլշևիկ պատվիրակների օգտին ձայն են տալիս բացի սոցիալ-դեմոկրատներից (5 հոգի) նաև 4 պրուդա-ցիներ: Ինչ մնում է դաշնակցական Սաղաթեյանին, ապա բոլորի մեջ ամենից խղճով ձայնը հա է ստանում (ընդամենը՝ 5):

Քանի որ առաջին քվեարկության ժամանակ ոչ ոք չէր ստացել ձայների մեծամասնություն (առնվազն 13), ուստի պետք է կատարվեր նոր ընտրություն: Այստեղ էլ սկսվում է նոր պայքար:

Դաշնակցականները դիմում են դանազան մեքենայությունների: Նրանք առերես համաձայնվում են քվեարկել բանվորների օգտին, բայց փաստորեն դեմ են քվեարկում: Երկրորդ քվեարկության ժամանակ Արկերյանն ու Առաքե-լյանը ստանում են հավասար ձայներ՝ 12 կողմ և 13 դեմ: Օրենքը պահանջում էր վիճակ զցել երկուսի միջև, բայց կադետները և դաշնակցականները սարսա-փում էին դրանից, քանի որ վիճակով կարող էր հաղթել նաև բանվոր-բոլշևիկը: Նրանք խախտելով ընտրական օրենքը, պահանջում են նոր քվեարկություն: Կա-դետները ահաբեկված այն բանից, որ կարող է դեպուտատ ընտրվել բանվո-րական թեկնածուն, համոզում են Սաղաթեյանին նորից զննելու իր տուրը, որի համար և կքվեարկեն իրենք: Կադետները Հ. Առաքելյանի բերանով հայտարա-

¹ ՄԷԼՍԻ-ի Հայկական ֆիլիալի արխիվ, ֆոնդ 7:

² Н. Колесникова, «Масовики-подпольщики», стр. 11, Москва, 1935. Եկատերին, որ բրոշյուրում թյուրիմացաբար պատվիրակների նահանգական ժողովի վայրը նշվում է Փրեանը (էջ 108). Ինչպես արդեն ցույց ենք տվել վերևում, Գանձակն էր:

րում են, որ Ա. Արկերյանը «անգրագետ» մարդ է ու չի կարող ներկայացնել հայ ազդիւն, բանի որ «բանվորական և պրոլետարական հարցերից դուրս սա ոչ մի աշխարհայացք չէր արտահայտում»¹։ Ստեփան Շահումյանը հենց նույն «Մշակ»-ի խմբագրությանը դրած նամակում մերկացնում է կադետների այդ խարդախությունն ու կեղծիքը և ցույց է տալիս, որ չնայած Ա. Արկերյանը չունի համալսարանական դիպլոմ, բայց Բաքվի 50 հազարանոց բանվորության լավագույն ներկայացուցիչներից մեկն էր, որ 1901 թ. հրապարակային ցույցի ժամանակ ռևոլյուցիայի դրոշ պարզեց և բազմաթիվ անգամ ենթարկվեց ցարիզմի հալածանքներին (5 անգամ բանտարկվել է, մեկ անգամ արքայի ընկալությանը) իր տոկոսն և անձնվեր գործունեության համար»։ Ուրեմն, «կադետները տվին իրենց քվեները պ. Սաղաթելյանին... ոչ թե այն պատճառով, որ Արշակ Արկերյանն «անգրագետ» է, իսկ Սաղաթելյանը «գրագետ»...»։ Նրանք այդ արին, որովհետև Արշակ Արկերյանը սոցիալ-դեմոկրատ է և այն էլ «բուլշևիկ» սոցիալ-դեմոկրատ, իսկ պ. Սաղաթելյանը, չնայած իր դաշնակցական իսկական յարլիկին, մի պարզ կադետ է, եթե ոչ հոկտեմբերյան»²։

Ընտրական օրենքների կատարյալ խախտմամբ տեղի է ունենում նոր քվեարկություն և 14 ձայնով Սաղաթելյանն «ընտրվում է» Պետական դեպուտատ։ «Այսպես, — բնութագրում է Սաղաթելյանի այդ վարմունքը Ստ. Շահումյանը, — իր մի ձայնի շնորհիվ, ամենախայտառակ դավաճանության միջոցով, նա, «հիվանդ մարդը» ստեղծեց այնպիսի դրություն, որ կադետների ձայների օգնությամբ դարձավ «ժողովրդական ներկայացուցիչ» երրորդ Պետական դումայում»³։ Դաշնակցական Հ. Սաղաթելյանի ընտրությունը պետք է բացատրել նրանով, որ կադետները սարսափում էին բանվորական թեկնածուի հաղթանակից և ձայն տվին իրենց եղբայրակցին։ Բանվոր թեկնածուի ընտրությունը վիժեցնելու համար կադետներն ու դաշնակցականները՝ ցարական իշխանությունների գիտությամբ ու հովանավորությամբ ամեն քայլափոխում խախտում էին առանց այն էլ ռեակցիոն, հակաժողովրդական ընտրական օրենքը։ Որպես այդ խախտման օրինակներ կարելի է բերել հետևյալ փաստերը. 1) թեկնածուների ընտրությունը կատարվում էր ոչ թե միաժամանակ, այլ առանձին-առանձին, որի հետևանքով լիովին խախտվում էր «գաղտնի» քվեարկության սկզբունքը և սկսվում էր բացահայտ կոմբինացիաների պրոցեսը. 2) կամայականորեն մերժվեց վիճակ հանելը և նշանակվեց նոր քվեարկություն, 3) ընտրական ժողովը չսկսվեց նախատեսված ժամանակ (ժ. 12-ին), որպեսզի կադետներն ու դաշնակցականները նոր կողմնակիցներ «որսան» և այլն։ Այդ բոլորն օգտագործեցին կադետներն ու դաշնակցականները և բոլր կազմեցին ընդդեմ բանվորների ու գյուղացիների ներկայացուցչի, որի ընտրության համար ստեղծվել էր ռեալ հնարավորություն։

Չնայած դրան, բուլշևիկները Ստ. Շահումյանի գլխավորությամբ լիակատար բարոյական ու բաղադրական հաղթանակ տարան ընտրական կամպանիայում։ Նրանք մինչև վերջը մերկացրին կադետներին ու դաշնակցականներին որպես ժողովրդի ռիսերիմ թշնամիների և իրենց կողմը գրավեցին գյուղացիական մասնաճյուղի ներկայացուցիչներին։ Նրանք ծավալեցին ռևոլյուցիոն ազ-

¹ «Մշակ», 1907, №№ 132, 134.

² Տե՛ս «Մշակ», 1907, № 134.

³ ԻԼԷՄԻ-ի հայկական ֆիլիալի արխիվ. ֆոնդ 7, պ. 11, ք. 18.

տացիա ինչպես պատվիրակների, այնպես էլ Գանձակի բանվորների ու արհեստավորների մեջ:

Գանձակում ծավալված ընտրական կամպանիան Ստ. Շահումյանի գլխավորությամբ ներկայանում է որպես 3-րդ Պետդումայի ընտրությունների առթիվ Բաքվի բոլշևիկյան կոմիտեի կողմից անցկացված ընդհանուր ու լայն կամպանիայի բաղկացուցիչ մասը: Այդ կամպանիայում տարած ընդհանուր հաղթանակը ամրապնդվեց Բաքվի պրոլետարիատի 1907 թ. նոյեմբերի 22-ի քաղաքական հուժկու զործադուլով, որին մասնակցում էին 50 հազար բանվորներ: Ամենուրեք տեղի են ունենում մասսայական միախնդներ, ուր բանվորները բոլշևիկների գլխավորությամբ դատապարտում էին ցարական կառավարության դատական գծում կոմեդիան 2-րդ Պետդումայի սոցիալ-դեմոկրատական ֆրակցիայի նկատմամբ:

Ծիշտ է, արյունալի տեղորի ու դաժան հալածանքների պայմաններում տեղի ունեցած ընտրությունների հետևանքով Անդրկովկասից 3-րդ Պետական դումայի դելեգատներ ընտրվեցին միապետական Տիմոշկինը, իշխան Շերվաշիձեն, բուրժուական մոլի նացիոնալիստներ՝ Խասմամեդովն ու դաշնակցական Սաղաթելյանը, բուրժուալիայի վարձկաններ՝ մենշևիկ-լիկվիդատորներ Կ. Չխեիձեն և Ն. Գեդեշկորին, բայց դրանք քոլորը ցարիզմի հյուսիսային ծառաներն էին և ոչ մի առնչություն չունեին ժողովրդական մասսաների շահերի ու ձգտումների հետ:

Պետք է ընդգծել, որ դաշնակցական ու կադետ Սաղաթելյանը ամենաողորմելին էր Գանձակում հավաքված 25 պատվիրակների մեջ, Իր ռեակցիոն զործունեությամբ նա հավատարիմ մնաց ցարիզմին ու բուրժուազիային և ինչպես մատնանշել է Ստ. Շահումյանը, «հայ ազգի բուրժուաները անշուշտ չեն փոշմանել... նրան ուղարկելով Պետերբուրգ՝ նրանից ավելի աջակողմյան, ինչպես և ավելի անդույն ու անպետք ներկայացուցիչ, նրանք չէին կարող ունենալ դումայում... դաշնակցականներն արժանի են իրենց Սաղաթելյանին»¹:

Հայտնի է, որ դաշնակցական Սաղաթելյանը դեպուտատ էր նաև 2-րդ Պետդումայում և լինելով ագրարային հարցի գծով հանձնաժողովի անդամ պաշտպանում էր գյուղական համայնքի դադափարը. «Ես զգում եմ, որ որոշ վտանգ կա համայնքի համար» — ողբում էր Սաղաթելյանը: «Հատկապես այժմ պետք է ինչ կերպ էլ լինի փրկել համայնքը»²: Այդ ձևը (այսինքն՝ համայնքը) կարող է ծավալվել — վերածվել համաշխարհային շարժման, որն ի վիճակի է մատնանշելու բոլոր տնտեսական հարցերի լուծումը»³: Վ. Ի. Լենինը Սաղաթելյանի այդ վարքագիծը համարեց «համայնքի պատվարժան ասպետի «սըրտացավություն» և ընդգծեց, որ «այդ ցանկությունը, անկասկած ռեակցիոն է»⁴:

Դաշնակցական Սաղաթելյանն իր ռեակցիոն կերպարանքը նոր ուժով դրոսեորեց 3-րդ Պետդումայում, ուր նա տենդորեն պաշտպանում էր ցարական կառավարության ամեն մի ձեռնարկում, դավերդում նրա արտաքին ու ներքին քաղաքականությունը:

3-րդ Պետական դուման իր կազմով սեհարյուրակային-կադետական էր: Այնտեղ ապահովված էր բուրժուա-կալվածատիրական մեծամասնությունը, որը հանդիսանում էր ցարիզմի վստահելի հենարանը: Լենինը այդ մեծամաս-

¹ ՄէլՍԻ-ի Հայկական ֆիլիալի արխիվ, ֆոնդ 7, գ. 101, թ. 23:

² Քաղվածքները բերում ենք ըստ Վ. Ի. Լենինի ՆՐԿԵՐԻ, հատ. 13, էջ 514:

³ Վ. Ի. Լենին, ԵՐԿԵՐ, հատ. 13, էջ 513, 514:

նությունն անվանել է արյունարբու գիշատիչների՝ մաստոդոնտների և իխտիոզավրների բլոկ: Ցարիզմի հավատարիմ այդ սև գուման առաջինն էր, որ պահպանեց իր գոյությունը մինչև օրենքով նախատեսված ժամկետի լրացումը: 3-րդ դուման համեմատած 1-ին և 2-րդի հետ, ավելի ցայտուն կերպով դրսևորեց ցարիզմի դասակարգային էությունը:

Չնայած այդ բոլորին 3-րդ Պետական դումայի բուլշևիկ-դեպուտատները՝ Պոլետանի գլխավորությամբ մերկացնում էին ցարական ինքնակալությունը, հանչեւ գալիս բոլոր մեծ ու փոքր ժողովուրդների պաշտպանության դերում և աշխատավոր մասսաների ազատագրման կոչ անում:

Այսպիսով, բուլշևիկները մեծագույն հմտությամբ օգտագործեցին 3-րդ Պետական դումայի ընտրական կամպանիան և ապա դումայական տիրույթնան՝ ցարիզմի մերկացման ու մասսաների ռևոլյուցիոն դաստիարակության գործում: Բաքվի բուլշևիկյան կազմակերպությունը տվեց անլեզալ ու լեզալ աշխատանքի զուգակցման փայլուն օրինակ: Մաքսիմալ շահով օգտագործվեց դումայական կամպանիան՝ մասսաների քաղաքական լուսավորման և նրանց ուժերի մոբիլիզացման համար: Այդ կամպանիայում խոշոր գեր կատարեց Ստեփան Շահումյանը, որը ջանք չէր խնայում դումայական տակտիկայի լենինյան սկզբունքները կենսագործելու համար:

Նա նույնպիսի տակտիկա էր վարում նաև 4-րդ Պետական դումայի ընտրությունների ժամանակ: Ստ. Շահումյանը պահանջում էր անհրաժեշտ դասեր վերցնել նախորդ փորձից և եռանդուն ռևոլյուցիոն աշխատանք, ագիտացիա ու պրոպագանդա ծավալելով աշխատավոր մասսաների մեջ, ամենուրեք. այդ թվում նաև հայկական գավառներում, հասնել ավելի լուրջ հաջողությունների. «Հարկավոր է մտնել այդ գավառները, մասնակցել տեղն ու տեղը պատվիրակների ընտրություններին և հնչեցնել ամեն տեղ բանվորական մարքսիստական ազդու խոսքը»¹:

Կոմունիստական պարտիայի ականավոր գործիչ Ստեփան Շահումյանի բազմաբովանդակ ռևոլյուցիոն գործունեության ամեն մի քայլը ենթարկված էր աշխատավոր մասսաների ազատագրման գործին՝ շահագործողական կարգերի տապալմանը և կոմունիզմի հաղթանակի մեծ գործին: Դրա անկապտելի մասն է կազմում դումայական շրջանի նրա անխոնջ աշխատանքը, որը հատկանշական է իր բուլշևիկյան սկզբունքայնությամբ ու ռևոլյուցիոն հետևողականությամբ:

¹ Մէլիսի-ի Հայկական Ֆիլիալի արխիվ, ֆ. 7, գ. 101, ք. 20: